

四庫全書

集部

欽定四庫全書

集部

吳郡文粹

目錄  
卷一

詳校官中書臣沈 颺

助教臣常循覆勘

覆校官中書臣宋 鎔

校對官中書臣葉 蘭

謄錄監生臣王廷璧

欽定四庫全書

集部八

吳郡文粹

總集類

提要

臣等謹案吳郡文粹九卷宋鄭虎臣編案蘇州府志虎臣字景兆曾為會稽尉宋德祐初自請監押賈似道殺之於木綿菴者即其人也書於吳郡遺文綜輯頗富其中如李壽朋之劄補新軍汪應辰之申奏許浦水軍趙

肅之三十六浦利害郊亶之至和塘六得六  
失諸篇均有關兵農大計其他輿地沿革亦  
多有因文以著者如書中龔頤正企賢堂記  
曰長洲為縣肇唐萬歲通天中而吳地記則  
云建自貞觀七年考唐地理志與頤正之記  
合可以證吳地記之訛又吳地記云常熟縣  
改自唐貞觀九年而書中范成大常熟縣題  
名記曰縣舊為毗陵至梁而改又可與吳地

記考異蓋是書雖稱文粹實與地志相表裏  
東南文獻多藉是以有徵與范成大吳郡志  
相輔而行亦如繆有蘄矣乾隆四十二年三  
月恭校上

總纂官

臣

紀昀

臣

陸錫熊

臣

孫士毅

總校官

臣

陸費墀



欽定四庫全書

集部八

吳都文粹目錄

總集類

卷一

吳郡志序

趙汝談

十老序

米芾

吳城

杜牧

閭門

張繼

韋應物

白居易

蘇舜欽

皮日休

胥門

陸龜蒙

朱長文

郡學記

鄭仲熊

重修大成殿記

張伯玉

六經閣記

洪邁

御書閣記



重修吳學記

吳潛

吳學復田記

陳耆卿

崑山縣學記

梁肅

崑山縣新修文宣殿記

王禹偁

崑山縣重修學記

張九成

丹陽公祠堂記

朱熹

卷二

吳趨行

陸機

祝牛宮詞

陸龜蒙

魚斗

皮日休

申補新軍坐下省劄

李壽朋

城口開江按舊指揮

范仲淹

蔣璨

申奏許浦水軍坐下

汪應辰

申增顧涇水軍利使

吳英

府治重修大廳記

蔣堂

九日陪李蘇州東樓燕

獨孤及

登初陽樓

皮日休

陸龜蒙

東亭

白居易

西亭

西園

北軒歌枕

梅摯

北池賦

蔣堂

木蘭後池重臺蓮花

皮日休

浮萍

白蓮

和重臺蓮浮萍白蓮三

陸龜蒙

重題後池

皮日休

陸龜蒙

和梅摯北池十詠

蔣堂

雙蓮堂

楊備

木蘭堂

陸龜蒙

范仲淹

楊備

雙瑞堂記

范成大

三賢堂記

仲弁

思賢堂記

范成大

瞻儀堂記

范成大

齊雲樓晚望十韻

白居易

目錄  
和柳公權登齊雲樓

登齊雲樓

章憲

西樓雪宴

白居易

城上夜宴

劉禹錫

登西樓見樂天詩偶成

玩月

觀風樓

楊備

范仲淹

耿元鼎

西樓感懷

章造

介菴銘

梅摯

靈芝坊

蔣堂

留客亭

曾幾

沈度

浙西提刑司題名記

陳賈

浙西提舉司題名記

徐康

登姑蘇臺賦

任公叔

崔鶚

姑蘇臺覽古

陳羽

李白

曹鄴

李紳

羅隱

劉駕



劉禹錫

楊備

館娃宮

殷堯藩

李嘉祐

李紳

皮日休

陸龜蒙

勾踐進西施賦

徐寅

卷三

吳王井

楊備

響鏢廊

王禹偁

楊備

採蓮徑

長洲苑吳苑校獵

孫逖

蠡口

楊備

毛公壇

白居易

皮日休

陸龜蒙

虎邱古杉

皮日休

臨頓二十首

陸龜蒙

皮日休

重玄寺藥圃

陸龜蒙

皮日休

忠國師菴

顧在鎔

洗馬池

楊備

真宗皇帝御製賜平江軍節度使丁謂詩并序

丁謂和進

復賜

丁謂復進

跋

丁謂

吳人歌

牧守王規謝章

簡文帝

博盧

馮袞

夜游虎邱山

白居易

本朝牧守題名記

葉夢得

狀元語

朱花石

賈公望

重修泰伯廟記

曾幾

泰伯廟

皮日休

陸龜蒙

張詠

蔣堂

迎享送神詞三章

龔頤正

夫差廟

陳羽

伍員廟

張詠

簡文帝

張詠

楊備

南雙廟記

蔡京

春申君廟記

趙居貞

聖姑廟

皮日休

靈姑廟碑陰記

陸龜蒙

三高祠記

林 戊

祝 鑑

三高堂詩序

范成大

程 俱

鴟夷子皮贊

李華

書三賢堂

蘇軾

煥靈廟龍堂記

皮日休

重修東嶽廟記

魏邦哲

黃姑廟

李後主

任晦園亭

皮日休

陸龜蒙



滄浪亭記

蘇舜欽

滄浪六詠

歐陽修

滄浪詠

胡宿

胡理

寄題滄浪亭

梅堯臣

觀滄浪亭石有感

劉敬

南園

羅隱

蘇舜欽

梅摯

胡宿

周元明

程俱

卷四

鱸鄉亭

陳瓘

七檜堂

范仲淹

小隱堂

葉道卿

隱圃

蔣堂

溪館三詠

南湖二詠

中隱堂

白居易

樂園堂

朱長文

三瑞堂

蘇軾

漫莊

章憲

遷居蝸廬

程俱

復軒歌

章憲

清曠堂

詠歸亭

清閔亭

遐觀亭

懼菴二十五詠

徐開菴

蒙與義

呂本中

蘇庠

浮天閣三首

王銍

平遠堂三首

向子諲

草堂二首

沈與求

程子山

三首

何侗

五首

僧道本

二首

李彌正次祝鑑韻

陳揆一首

沈求一首

范文正公義田記

錢公輔

范文正公義宅記

樓鑰

天平山

蘇舜欽

范師道

楊備

穹窿山

華山

雨中遊包山

皮日休

陸龜蒙

林屋館銘

陳炯

縹緲峯

皮日休

陸龜蒙

桃花塢

皮日休

陸龜蒙

洞庭南館

張祐

早發洞庭

白居易

方干

洞庭小湖

白居易

入林屋洞

皮日休

陸龜蒙

洞庭山

王禹偁



李彌大

崦裏

皮日休

陸龜蒙

石版

皮日休

陸龜蒙

龜頭山神女歌

韋應物

訪踞湖山人仇君隱居

馬雲

芳桂塢

飛泉塢

修竹塢

丹霞塢

白雲塢

二獄山

夜宴虎邱山序

陪陸長源裴樞遊虎邱山

劍池

楊備

獨孤及

李峴

虎邱贈魚處士

趙嘏

虎邱寺西小溪間泛

皮日休

陸龜蒙

許渾

酬陸四十虎邱對月

權德輿

題東虎邱六韻

白居易

夜遊西虎邱

虎邱寺路宴留別諸妓

李紳

劉長卿

虎邱見元相公題名愴然有詠

登虎邱望海樓

同沈恭子游虎邱

清遠道士

刻清遠道士詩因而繼作

顏真卿

追和顏真卿

李德裕

追和清遠道士詩序

皮日休

陸龜蒙

補沈恭子詩序

遊虎邱詩并序

晁迥

王禹偁

遊虎邱觀白傅舊題二首

吳王墓

陳堯佐  
三首

丁謂  
二首

梅詢

范仲淹

蔣堂

張伯玉

王紳

蘇軾

和劉孝叔會虎邱

諸公倡和詩題詞

朱長文

蒲宗孟

遊虎邱因書錢塘舊遊

章子厚和前二韻

虎邱雜詠

蘇舜欽

楊備  
四首

孫覲  
二首

程俱  
二首

何麒

方惟深  
三首

目錄  
方仲荀

劍池銘并序

王禹偁

劍池

徐輔

虎邱記

卷五

臨頓

皮日休

皋橋

李紳

重建乘魚橋序

僧達本



上元

楊備

過白頭橋

梅摯

吳江橋

鄭獬

蔣堂

泛太湖書事寄元稹

白居易

泛太湖

皮日休

陸龜蒙

楊備

望太湖

蘇舜欽

梅堯臣

明月灣

皮日休

陸龜蒙

練瀆

皮日休

陸龜蒙

銷夏灣

皮日休

陸龜蒙

投龍潭

皮日休

陸龜蒙

胥口

皮日休

陸龜蒙

前松江賦

程俱

後松江賦

夜渡吳江懷古二首

宋之問

吳松江

劉長卿

張懷

許渾

松江亭攜樂觀魚

白居易

泊震澤口

薛據

泊松江渡

許渾

松江早春

皮日休

陸龜蒙

憶吳郡

錢昭度

送裴如晦宰吳江二首

梅堯臣

除夜宿垂虹亭

蔡肇

王禹偁

四首

陳堯佐

游松江三首

蔣堂

過垂虹橋二首

蘇軾

長橋二首

楊備

松江謁王文孺令宰

章憲

交讓瀆

楊備

女墳湖

皮日休

越來溪

楊備

夏駕湖

至和塘記

邱與權

沈氏筆談

六失六得

邴亶

五論

卷六

大畧

郊僑

三十六浦利害

趙霖

表薦陸肩

華覈

表薦陸禕

詔陸玩

辭召表

顧歡

孔稚珪等奏薦杜京座

詔史德義

武后

翰林盛事

朱佐日

挽章

方子通

溫公詩話

丁偃

絕句

蔣堂

范文正公真贊

閻灝

延賓佳話

范總



詠懷

范周

送李璋應舉

王安石

張林妻徐氏碑

太湖石賦并序

陳洙

太湖採石賦

程俱

太湖石記

白居易

題太湖石詩并序

牛僧孺

和題姑蘇所寄太湖石兼寄李蘇州

劉禹錫

牛相公宅太湖石詩

白居易

太湖石

皮日休

陸龜蒙

胡宿

白雲泉

白居易

范仲淹

錢藻

薦白雲泉書

陳純臣

鬪鴨賦

李邕

鶴媒歌

陸龜蒙

鵝鵲

江上漁者

陶弼

和文與可洋州香橙徑

蘇軾

紅蓮稻

陸龜蒙

再熟稻

蔣堂

洞庭綠橘

韋應物

洞庭獻新橘賦

棟貢橘書情

白居易

洞庭春色并引

蘇軾

卷七

吳櫻桃

白居易

梅譜

范成大

郡圃新栽梅

白居易

紅梅

方惟深

嶺南桂

白居易

蘇州柳

長洲種牡丹

王禹偁

吳縣廳前冬日雙開牡丹歌

范村菊譜

范成大

海仙花

梅摯

石竹花

陸龜蒙

欽定四庫全書

吳郡文獻  
目錄

金竹

蔣堂

採藥賦

陸龜蒙

吳中觀貢藕

趙嘏

金闕寥陽殿跋

趙伯驥

寥陽殿上梁文

龔頤正

傷開元顧道士

皮日休

新修太和宮記

王禹偁

春晚遊太和宮

晚次神景宮

皮日休

三宿神景宮

陸龜蒙

皮日休

陸龜蒙

上真宮記

陳于

又詩

皮日休

陸龜蒙

登重玄寺閣

韋應物

能仁寺重鑄鐘銘

孫覲

遊永定寺北池僧舍

韋應物

寓居精舍

喜辟疆夜至

朱明寺

楊備

和廣化寺午日府宴

方子通

龍興寺唐金至潛銘

房琯

龍興寺

楊備



開元寺浮海石像銘

簡文帝

開元寺佛鉢詩序

皮日休

遊開元寺

韋應物

遊開元寺詩并序

李紳

早景即事

皮日休

陸龜蒙

開筍園

皮日休

陸龜蒙

開元寺避暑聯句

皮日休

陸龜蒙

題寺閣

薛能

留客開元寺

方子通

程公闢

大慈寺避暑聯句

皮日休

陸龜蒙

遊北禪寺

皮日休

陸龜蒙

寒夜訪寂上人

皮日休

陸龜蒙

寄守堅覺初二僧

蘇舜欽

紹熙中提舉徐誼給常平田記

龔頤正

建乾元寺記

顧况

南禪寺千佛堂轉輪

白居易

卷八

虎邱山寺記

王隨

御書閣碑記

葉清臣

藏記

張浚

靈巖山寺磚塔記

孫承祐

智積菩薩殿記

孫覲

宿靈巖山上院

白居易

韋應物

趙嘏

蘇舜欽

胡宿

秀峯上方

李復圭

劉無降

胡珵

聞訥老萊堂曰五至

孫覲

重過靈巖再賦

天峯院記

曾 旼

超隱堂記

葉 勸

遊南峯寺詩并序

葉夢得

題觀音禪院

白居易

咸平觀音禪院碑銘

錢 儼

堯峯新井歌并序

蔣 堂

再題半峯亭

半峯亭

李彌大

山居十詠

僧懷深

楓橋寺記

孫覲

題楓橋寺

張祐

楓橋夜泊

張繼

張師中

重遊楓橋偶成

程師孟

孫覲與溫老四首

胡理

張孝祥

郭附

穹窿山寺記

楊宿

橫山頂舍利靈塔銘

嚴德盛

寶華山寺新鐘記

孫規

光福寺銅觀音像記

黃公頡

題光福寺上方

顧在鎔



澄照寺記

陳最

明因禪院重建方丈記

凌民瞻

入湧泉道中

程師孟

水月禪院記

蘇舜欽

寄題水月

蘇舜欽

菩薩蠻遊水月賦此

湯思退

無礙泉詩并序

李彌大

壽聖院記

強浚明

孤園寺

皮日休

陸龜蒙

包山禪院記

王銍

觀音院圓通殿記

僧懷深

題德雲堂

孫覲

德雲堂詩并序

胡松年

葛勝仲

洞庭山靈泉贊

孫覲

半塘寺重修塔記

魏憲

崑山天王堂記

王洮

卷九

慧聚寺聖跡記

僧辯端

慧聚寺聖跡

孟郊

王安石和韻二首

張祐

慧聚寺詩并序

朱明之

景德寺諸天閣記

范浩

惠嚴禪院法堂記

曾旼

明因禪寺記

陳于

勝法寺輪藏記

葉夢得

題永慶寺

李湛

重修延福禪院記

新建佛殿記

陸絳

興福寺再修功德記

題興福寺

李湛

常建

僧皎然

瑞石菴記

錢藻

新甍頂山路記

陳于

遊頂破二山淨居院

李湛

陸河聖像院記

僧仲殊

應天禪院記

僧曇義

無礙院普賢應夢記

孫覲

永福院記

李杼

殊勝院記

蔡京

吳縣廳壁記

梁肅

郭受

延射亭記

張珉

范成大

題延射亭

楊備

長洲縣記

王禹偁

茂苑堂記

朱友仁

題茂苑堂

方千

移任長洲五首

王禹偁

春日公舍偶題

長洲遣興

長洲二首

楊備

蟠翠亭記

龔頤正

企賢堂記

黃山

曾程堂記

李處全

新修主簿廳記

范成大

常熟縣題名記

曾慎

常熟縣順民倉記

祁淑

題常熟縣

楊備

重為順民倉記

陳暎

崑山縣題名記

葉子彊



嘉定縣省割

閻閭墓

王禹偁

題吳孫王墓

楊友夔

卷十

吳孫王墓記

滕成

梁鴻墓

陸龜蒙

江纂墓

孫起卿

真孃墓

譚銖

白居易

李紳

王禹偁

楊備

周先生住山記

令狐楚

呂真人感應記

趙彥清

適題

林遇賢

題西湖一山寺壁

僧惠詮

蘇軾

題臨平

僧道潛

會蘇子瞻

贈妓

適題

釋道川

送文暢北游

韓愈

蘇州四瑞聯句詩序

崔端

隱石詩

幽獨君

祭幽獨君文

李道昌

題幽獨君文

楊備

禽暴篇

陸龜蒙

南翔寺

申徒有涯

倚樹高吟

冢歌

吳女紫珪

箜篌歌

吳中紀詠

白居易

崔融

過蘇州

蘇舜欽

經闔閭城

杜牧

憶春草

劉禹錫

遊山

蘇舜欽

和太守王規父侍太夫人觀燈

蘇軾

彭山贈貫之

胡宿

過吳門

李紳

軍中冬宴

韋應物

春日自吳門之陽羨道中

曹松

自蘇臺至望亭驛

李嘉祐

五日公燕

梅摯

間邱江君二家雨中飲酒

蘇軾

吳中言情寄魯望

皮日休

和韻一首

陸龜蒙

九月五夜出盤門

蘇舜欽

邂逅劉公尤於平望之西聯舟夜話走筆序意

蘇舜欽

林 歆

至吳門示諸弟兼呈伯原

林希初

懷古

許 渾

疊韻吳宮詞

陸龜蒙

皮日休

吳宮詞二首

杜牧

懷古送李秀才

劉商

答章傳

蘇舜欽

贈草菴禪師

王禹偁

酬張無夢

梅摯

重答劉和州

白居易

寄白二十二使君

張籍

吳中書事寄漢南裴尚書

皮日休



陸龜蒙

懷舊遊寄致仕了倩寺丞

王禹偁

贈劉暉求詩

蘇舜欽

除夜寄羅評事同年

王禹偁

寄蘇州知府蔣密學

胡宿

又寄子英學士

賀兄之翰寵換蘇郡

蔣之奇

和答

蔣之翰

報白居易

劉禹錫

白舍人曹長寄新詩有遊宴之盛因以酬戲

劉禹錫

別蘇州

白居易

蒙恩除替

崔璞

赴南巴留別蘇臺知己

賈島

別蘇州

賀力

將之宣城吳門效樂天體

林希初

疊障樓有懷吳門

朱長文

送長洲劉少府貶南巴使牒留洪州序

獨孤及

送許少府之任序

歐陽詹

送從兄立赴崑山主簿序

權德輿

贈別

劉禹錫

代諸妓贈送周判官

白居易

和崔諫議歸以六韻賜示因佇酬獻

皮日休

謹和諫議罷郡六韻

陸龜蒙

送客歸吳

李白

送李司直使吳

張衆甫

送沈處士赴蘇州李中丞招以詩贈行

杜牧

懷吳中馮秀才

送張尊師歸洞庭

許渾

送元晝上人歸蘇州

送顧朝暘還吳

李頎

送僧歸洞庭

顧非熊

送客還吳

殷堯藩

送劉山人歸洞庭

李頻

即席送許製之曹南省兄

寒食日送人歸覲

送羅著作兩浙按獄

送人還吳

蘇舜欽

送楊中允宰常熟

胡宿

送顯上人歸吳

梅堯臣

送紫微唐公知蘇臺

黃鑑

送李殿省任常熟

姑蘇行送胡唐臣入幕

郭祥正

又送朱伯原秘校

送太守晏大夫

胡宿

送葉善卷致仕歸吳

程俱

吳門送客

許渾

送裴二知蘇州

劉放

送錢齊玘倅蘇州

蔡肇

憶舊遊

白居易

又夢蘇州水閣寄馮侍御

湖蘇杭三郡

夢作

楊備

欽定四庫全書

吳郡文粹  
目錄

吳江

陳堯佐

留京師

王明之

橫塘路青玉案

賀鑄



欽定四庫全書

吳郡文粹卷一

宋 鄭虎臣 編

吳郡志序

趙汝談

初石湖范公為吳郡志成守具木欲刻矣時有求附某  
事於籍而弗得者因譁曰是書非石湖筆也守憚莫敢  
辯亦弗敢刻遂以書藏學宮愚按風土必志尚矣吳郡  
自闔閭以霸更千數百年號稱雖數易常為東南大都  
會當與其地視漢扶馮人物魁偉并賦蕃溢談者至與

杭等益益盛矣而舊圖經蕪漫失考朱公長文雖重作亦畧是豈非大缺者何幸此筆屬公條章粲然成一郡鉅典辭與事稱矣而流俗乃復掄阮使不得行豈不使人甚太息哉紹定初元冬廣德李侯壽朋以尚書郎出守其先度支公嘉言石湖客也是以侯習知之及謁學問故驚曰是書猶未刊耶他日拜石湖祠退從其家求遺書得數種而斯志與焉校學本無少異侯曰噫信是已吾何敢不力而書止紹熙三年其後大建置如百萬

倉嘉定新邑許浦水軍顧逕移屯等類皆未載法當補  
於是會校官汪泰亨與文學士雜議用褚少孫例增所  
缺遺訂其脫謬書用大條而不自別為續馬侯喜曰是  
不沒公美矣亦吾先人志也書來屬汝談序余病謝弗  
果侯重請曰吾以是石湖書也故敢恩子而子亦辭乎  
余不得已勉諾客有問余曰或疑是書不盡出石湖筆  
子亦信乎余笑曰是固前譁者云也昔八公徒著道術  
數萬言書標淮南通典亦出衆力而特表杜佑自古如

呂氏春秋大小戴禮曷嘗盡出一手哉顧提綱何人耳  
余聞石湖在時與郡士龔順正滕宥周南厚三人者博  
雅善道古皆州之雋民也故公數咨焉而龔薦所聞於  
公尤多異論由是作子盍亦觀益公碑公墓乎載所為  
書篇目可攷予不信碑而信誕乎且公蚤以文名四方  
位二府余鄙何所繫重余特嘉夫侯之不忘其先能畢  
力是書以卒公志而不自表顯焉是其賢非余言莫明  
也抑余所感則又有大此者焉方公書始出也疑謗橫

集士至莫敢伸喙以白曾未四十年而向之風波息滅  
漸盡至是無一存者書乃竟賴侯以傳是不有時數哉  
然則世論是非曷嘗不待久而後定乎此余所以重感  
也余誠不足序公姑以是寄意焉其亦可乎否也疑者  
唯服侯父子世儒有聞其治吳未朞百墜交舉既上此  
職方氏將復刊石湖序集與白氏長慶並行而改命漕  
湖北矣余故併志以伸後覲焉紹定二年十一月朔也

十老序

萬闕今補

米芾

中散大夫河間公清德傑氣惟時老成高誼勁節縉紳  
所仰靜鎮吳國四周星紀威孚惠洽訟庭晨虛廼闢郡  
齋會九俊老惟內閣清河公神宇軒拔德章昭融名威  
羗夷勲書冊府正議大夫廣平公秀實孤映清標邁遠  
鬱建公利煥於汗青大中大夫濮陽公冲襟爽澈淑質  
端靖積厚施衍父子顯榮朝議大夫清豐公朝議大夫  
彭城公朝請大夫徐公朝散大夫鄭公並道韻虛曠內  
德淳耀或中臺耆彥

本集作  
碩望

或四方膚使出處有優裕

終始一德愷悌利愛布在世間承議郎崇君奉議郎黃君  
素行潔修里閭標準早解簪紱仕路式瞻咸傾碩德天錫  
難老貌若遼鶴言為龜鑑于是羽觴屢酬雅章通作叙懷  
感遇樂時休明顧盼之間穆如清徽薰如太和夫學本美  
身仕欲行志名節既立榮利後之若諸公積儲淵深未極  
經緯而不苟干得進退從容千祀可垂後生仰止以襄陽  
芾倦游四海多出與賓僚刻繪既傳屬為序引嗚呼樂  
道人善君子有之顧芾何堪忝于承命謹序

九老會後更名耆英又名真率元豐間章岵守郡與  
郡之長老遊各飲酒賦詩時米芾禮部以杭州從事  
罷經由為作叙叙諸老之德甚詳十老謂太中大夫  
致仕上護軍濮陽縣開國子盧革

仲新年

八十二奉

議郎致仕騎都尉賜緋魚袋黃挺

公操

年八十二正

議大夫充集賢殿修撰致仕上柱國廣平郡開國侯

程師孟

公闕

年七十七朝散大夫致仕上輕車都尉

鄭方平

道卿

年七十三朝議大夫致仕護軍清豐縣



開國子賜紫金魚袋閭丘孝終

公顯

年七十三中散

大夫知蘇州軍州事河間縣開國伯護軍賜紫金魚

袋章岵

伯望

年七十三朝請大夫主管建州武夷山

冲佑觀賜紫金魚袋徐九思

公謹

年七十三朝議大

夫致仕上柱國彭城縣開國子徐思閔

聖徒

年七十

二承議郎致仕騎都尉賜緋魚袋崇大年

靜之

年七

十一龍圖閣直學士正議大夫提舉杭州洞霄宮清

河郡開國侯張銳

樞言

年七十十人合七百四十六

歲十老各有詩米芾序之

慶歷九老會都官員外郎徐祐與少卿葉參俱以耆  
德告老而歸約為九老會晏元獻公杜正獻公皆寄  
詩贊之晏詩首句云買得梧桐宮數畝秋便追黃綺作  
朋傳杜卒章曰如何九老人猶少應許東歸伴醉吟  
時會者才五人耳

吳城

杜牧

二月春色江上來水晶波動碎樓臺吳王宮殿柳含翠  
蘇小宅房花正開解舞細腰何處住能歌姹女逐誰回  
千秋萬古無消息國作荒原人作灰

按梁吳均吳城賦曰古樹荒烟幾千百年云自吳王  
所築越王所遷東有鑄劍殘水西有舞鶴故屢縈具  
區之廣澤帶姑蘇之遠山僕本蓄怨千悲億恨况復  
荆棘蕭森叢羅網蔓亭梧百尺皆歷地而生枝階筠  
萬丈或至杪而無葉不見春花夏薰唯聞秋蟬冬蝶  
水魃晨定山鬼夜驚不知九州四海乃復有此吳城

閭門

張繼

畔夫古募逐樓船春草青青萬頃田試上吳門看郡郭

清明幾處有新烟

前題

韋應物

獨鳥下高樹遙知吳苑園淒涼千古事日暮倚閭門

前題

白居易

閭門四望鬱蒼蒼始覺州雄土俗強十萬夫家供課稅  
五千子弟守封疆闔閭城碧鋪秋草烏鵲橋紅帶夕陽  
處處樓前飄管吹家家門外泊舟航雲埋虎寺山藏色  
月耀娃宮水放光曾賞錢塘兼茂苑今來未敢苦誇張

前題

蘇舜欽

年華冉冉催人去雲物蕭蕭又變秋家在鳳凰山下住  
江山何事苦相留

按文選注引吳地記閭門者闔閭所作名曰閭闔門  
高樓閣道按陸機所賦此門在晉時樓閣之盛如此  
本朝承平時門上亦有樓三間甚宏敞蘇舜欽嘗題  
詩於上今廢南史及傳記中或書作昌門蓋字之訛

胥門

皮日休

青翰虛徐夏思清愁烟漠漠行花平醉來欲把田田葉  
盡裏當時醒酒鯖

前題

陸龜蒙

細漿輕桹下白蘋故城花謝綠陰新豈無今日逃名士  
試問南塘着屨人

按吳地記云伍子胥宅在其旁石碑見在今亡此門  
出太湖道也今水陸二門皆塞而新姑蘇臺館乃據  
其上

學校記

朱長文

兩儀定位學校興矣五教既敷學校立矣禮義不可一日忘故學校不可一日廢也昔唐虞三代之盛未嘗不以建學嚴師為先務內則王世子羣后卿大夫元士之適子其入以齒外則塾黨鄉遂之間其教以時下至於四方萬國之遠皆命之為庠序其法詳矣故始於直寬剛簡以防其失次以歌詩音律而致其和者此堯舜之典樂所以教也以智仁聖義忠和為之德孝友睦婣任

恤為之行禮樂射御書數為之藝此周大司徒鄉大夫  
所以教也上之所以教於下下之所以應於上若置郵  
而傳命也若決江河莫之能禦也書美萬邦黎獻可以  
共為帝者之臣詩稱成人有德小子猶有所造其材之  
可用如此蓋當是時風化行習俗美人人有士君子之  
器雖畎畝之賤山林之幽亦為仁義之所漸摩禮樂之  
所陶冶咸入於善置鬼而不忘敬敦葦而不忍踐豈有  
暴亂萌于心姦宄害於事者哉此建學之効也王道衰



禮義廢獨一魯侯能修泮宮因馘之獻猶不離此邦人  
頌焉戰國之際孟軻猶歷說時君謹庠序之教申孝弟  
之義終濶而不用習大亂迄於秦棄儒任法民不知學  
而疾視其君蠱起而墟秦矣漢方休息元元未遑先王  
之教世宗奕奕首善於京其臣有若董仲舒者為大夫  
文翁者為守吏皆尚儒術廼詔置博士弟子之員而立  
學校宮於郡國其課士必以經藝蓋士不素養則德難  
遽考使因學以知經因經以會道庶乎有成矣東京內

盛三雍之儀不及於外而鄭興賈逵馬融鄭康成之徒  
繼為人師以經相授囊括古典六學寔明是以時政雖  
亂於上而義士交起於下抗節濡足用救陵夷漢賴以  
不亡者百餘年魏分晉弱事不足道唐之文物盛矣而  
尚賦以取人世薄經術以文辭相夸夫文所以宣志也  
觀其文則志可度哉故元臣碩老多由制科以出神宋  
受命遏亂興治乘輿嘗幸國庠親臨講席是時勲臣宿  
將並列藩鎮庠序雖未興而鴻儒碩士聞風以起有若

戚堅素在睢水种明逸在終南皆聚徒講授髦俊歸之  
其後陪京方面之守臣稍請興學自景祐中范文正公  
作學於吳又創於潤滕子京建於湖慶歷之盛文正公  
叅預機政而石守道孫明復首居太學是時仁宗開天  
章閣召輔臣八人問以治要文正公復以學校為對於  
是詔天下皆立學神宗之時立三舍法置方郡教官皆  
試可而後授今上嗣位申命近臣薦堪內外學官者方  
聖朝承平之久而長育之勤雖瀕海裔夷之邦執耒垂

髻之子孰不抱籍綴辭以干榮祿衰然而赴詔者不知其幾萬數盖自古未有盛於今也凡命教之法以經術觀其學以詞賦觀其文以論策觀其智所取兼於漢唐而德行道藝之士參出乎其中矣然欲合二帝三代之法使人人有士君子之器在吾君相之所潤色也始姑蘇郡城之東南有夫子廟所處隘陋方文正公以天章閣待制守是邦欲遷之高顯相地之勝莫如南園南園者錢氏之所作也高木清流交蔭環囘廼割其巽隅以

建學廣殿在左公堂在右前有泮池旁有齋室是時學者才逾三十人或言其太廣文正曰吾恐異日以為小也於是召安定先生首當師席英才雜遝自遠而至厥後登科者逾百數多致顯達由景祐迄今五十餘載學者倍徙於當時而居不加闢也長文適忝命掌學周視黌舍傾陟褊迫寒薄暑燠諸生病之來者無所處乃與同僚議請南園隙地以廣齋廬屢諗於郡守部刺史病財用之不給會文正之子兵部侍郎公純禮以厚德遠

業見器朝廷出自奉常制置江淮六路漕事擁使者節  
過鄉上冢乃以學舍之微白公公既即學拜文正公遺  
像延見諸生感慨陳跡即奏言蘇潤之學皆先臣所建  
後之人不葺而齋室不庇風雨講習無所願給錢修廣  
而令太守諫議王公在潤先以潤學為請有詔各以度  
牒千紙充其費時元祐四年五月也前守戶部劉公瑾  
選官治役度用賦工會至公自潤易蘇下車三日臨視  
興作命之裁築填圩立基如請之數益以闕賦之材助

以亡命之卒

欽宗廟諱

舊剏新崇工逾萬暮歲而告成不以

一分取於民公堂

寧宗御名

如也廊廡翼如也齋室凡二十

二而始作者十為屋總百有五十楹而初建者三之一

立文正公安定先生祠宇遷校試廳於公堂之陰榜曰

傳道庖厨澡室莫不嚴潔窈然而深曠然而明其處也

寬其容也衆南楹引愛日北牖延清風咸適其宜矣凡

學田之佃於人而隱沒者為之括而實之屋之僦於市

而已壞者為之新而復之養士之資由此不匱皆太守

所命也夫儒者早暮孜孜從事於典籍苟居處之不佚  
餽糧之不豐而責其勤難矣故嚴其宮足其餉所以教  
也且吳為東南都會自泰伯三遜天下延陵脫屣千乘  
言偃以學稱嚴助以文著朱張顧陸世多顯者此誠禮  
義之區儒雅之藪也今夫興學以教者豈徒貴其中程  
課躡科等哉必也為文足以貫道為經足以通理立於  
朝廷則謀王休贊國論仕於郡縣則宣惠澤興事功其  
餘風所扇猶將使人老老而幼幼夫夫而婦婦室有忠



信俗有廉潔然後知新學之作豈專以棟宇為哉君子  
謂兵部公善述其先志可謂之孝正諫公樂成于教育  
可謂之仁惟孝與仁于是著矣正諫公以道立朝忠精  
不回其治吳朞月吏民感其德而安其政寔坐郡閣事  
至即決已而與賓客雍容笑語沛然餘裕方學之成吳  
人莫不欣悅鼓舞望車馬之來而樂芹藻之采也見命  
作記確辭莫獲輒系之聲詩刻之隆碣以告於後世云

詩曰

惟帝光宅錫民保極曷以臻茲惟教之績降漢迄唐以  
經以文元臣碩老世偉其人天佑神宋七聖繼德右儒  
尚文經緯九域肇開雍庠周設泮序興賢舉能歲幾千  
數維吳有學文正是興師明友諒俊傑紹登歷載五紀  
忝然髦士將圯其隘士罔能止翼翼膚史繼述其先建  
言於朝授牒易泉邦牧承命以新以廣匪憚厥勤資我  
教養高堂邃廡環闥羣齋渾渾其深濟濟其來孰居是  
堂勿尸厥職亶爾誠心傳道解惑凡處是齋勿嬉勿忌

道德淵源詞章潤色拱把之木長而參雲涓勺之水滌而流坤匪學之設惟材之成是明是翼永贊丕平

府學在南園之隅景祐元年范仲淹守鄉郡二年奏請立學得南園之巽隅以定其址元祐四年純禮持節過家又請於朝復得南園隙地以廣其垣卒父志也紹興十一年梁汝嘉建大成殿十五年王暉繪兩廡像叔講堂闢齋舍規模宏敞視昔有加乾道九年丘宗造直廬淳熙二年韓彥古叔采芹仰高二亭十

六年趙彥操建御書閣五賢堂在講堂左五賢謂陸  
贄范仲淹范純仁胡瑗朱長文也

重修大成殿記

鄭仲熊

郡邑置夫子廟於學以歲時釋奠蓋自唐貞觀以來未  
之或改我宋有天下因其制而損益之姑蘇當浙右要  
區規模尤大更建炎戎馬蕩然無遺雖修學宮于荆榛  
瓦礫之餘獨殿宇未遑議也每春秋展禮於齋廬已則  
置不問殆為闕典今寶文閣直學士括蒼梁公來牧之

明年實紹興十有一禩也二月上丁修祀既畢乃惕然  
自咎揖諸生而告之曰天子不以汝嘉為不肖俾再守  
茲土顧治民事神皆守之職惟是夫子之祀教化所基  
尤宜嚴且謹而拜跪薦祭之地卑陋乃爾其何以揭虔  
妥靈汝嘉不敢避其責曩常去此彌年若有所負尚  
安得以罷輒自恕復累後人乎他日或克就緒願與諸  
君落之於是謀之僚吏搜故府得遺材千枚取贏資以  
給其費鳩工庀役各舉其任歲月訖工民不與知像設

禮器百用具修至於堂室廊序門牖垣牆皆一新之

六經閣記

張伯玉

六經閣諸子百家皆在焉不書尊經也吳郡州學始由高平范公經構之至今尚書富郎中十年更八政學始大成而六經閣又建先時書籍草創未暇完緝厨之後廡澤地汙晦日滋散脫觀者惻然非古人藏象魏拜六經之意至是富公始與吳邑長洲二大夫以本學之餘錢僦之市材直公堂之南臨泮池構層屋起夏六月乙

酉至秋八月甲申凡旬有七決計庸千有二百作楹十  
有六棟三架雷八桶三百八十有四二戶六牖梯衡案  
稅巧墁陶甕稱是祈于久故爽而不庠酌于道故文而  
不華經南嚮史西嚮子集東嚮標之以油素揭之以油  
黃澤然區處如蛟龍之鱗麗如日月之在紀不可得而  
亂矣則天地之極致皇王之高道生人之紀律舉在是  
矣古者聖人之設教也知函夏之至廣生齒之至衆不  
可以順解耳授故教之有方導之有原乃本庠序之風

師儒之說始於邦達於鄉至於室莫不有學烜之以文  
物聳之以聲名先用警策其耳目然後清發其靈腑故  
其習之也易其得之也深其教不肅而成不煩而治毆  
元元之入善域優而柔之俾自得之萬世之後尊三王  
四代法者無他焉教化之本末馴漸也然則觀是閣者  
知六經之在則知有聖人之道知有聖人之道則知有  
朝廷之化知有朝廷之化則嚮方之心日懋一日禮義  
之澤流於外絃誦之聲格於內其為惡也無所從其為



善也有所歸雖不欲徙善遠罪納諸太和不可召康公之詩曰豈弟君子來游來歌子思子之說云布在方冊人存政舉凡百君子由斯道覺斯民暢皇極序彝倫者捨此而安適得無盡心焉諸儒謂伯玉嘗從事此州游學滋久宜刊樂石庶幾永永無忽

六經閣舊有之吳學始於范文正公後更八政始成而此閣成於富嚴郎中先是張伯玉嘗以郡從事主學後帥浙東閣始成世傳邦人謁記于伯玉伯玉令

叅佐擬撰皆不如意一日對衆援筆書首句云六經  
閣子史在焉不書尊經也坐皆歎服

御書閣記

洪邁

若稽古高宗皇帝實天生德既以聰明聖武戡濟多難  
垂中興億年之基洎保大定功投戈息馬於世紛萬殊  
泊乎無一嗜玩唯翰墨梱域天縱神與特致志顓心不  
舍食息淵妙沉著顧韋誕鍾繇所擅正書中取威定霸  
高處視古無上帝中第一殆隘麼不足言義獻諸庾固

已望洋歛避矧唐歐虞褚薛輩直可與臺命也詩書易  
春秋孝經論語孟軻氏凡幾書書凡幾帙帙凡幾字一  
一肆筆而成翥鳳翔鸞震蕩輝赫端正嚴重肅如神明  
當是時每終一經輒詔玉冊官摹刻編以石本侈錫方  
夏光天之內蓋郡載其書昔人謂萬世之下一遇大聖  
而知其解者是為旦暮之遇況乎親見帝王以為之師  
恩斯勤斯士宜如何報也安奉當在類宮蘇為吳盛府  
故有六經閣燬於兵紹興中守臣寶文閣學士王暎始

改建學室宇宏脩夸雄他邦閣獨未克立而度置石經於大成殿仍儉就寡瓜華薌火之敬弗答弗涓撥於祇瞻殊甚不稱寥寥向四紀郡博士領諸生數有請二千石亦數留意然畫不堅定會其凡輒中止更數十政訖莫之能為淳熙十四年秘閣修撰趙彥操至平易中和敏絜莅業用善政得民蘇比比多事且去天咫尺南北問途者銜舟接軸冗叢厥身居東道主第知承迎過客趣了停傳為先務樸遫馬上戴星而入民瘼不暇問

尚安以教化勸功為哉彥操纔旬月久非能滋民使多  
浚財使豐辟土使廣而千里一旦廊廊如仙晨道院於  
是以一閣之任自予即舊址度為三楹兩翼三其檐為  
高六十尺為廣七十有五尺材木以壯買瓦石以碩市  
工以募來發公帑贏儲千萬給費相以食錢二十之一  
毫釐之須於我何取慮卜於素五縣乃不知去年秋七  
月壬戌命日今年春二月丁卯成一區之宮若飛從天  
外行人駭觀凝立如植彥操寫其製以告當塗守邁使

識本末臣恭維西箱清穆敞閒之處至尊壽皇聖帝奉  
先追孝方勒崇煥章建官列職燕迪宸奎之昭回上模  
紫清一時臣子宜有以効尺寸彥操羽儀宗支嘗典正  
京邑叅侍從茲息偃輔藩首能擴尊君親上然後興學  
之誼鳩此巨役章天顯休僉謂當刊表樂石以誌不朽  
其詞曰

故吳所都上直斗牛今為畿輔氣壓百州沉沉學宮鼎  
以傑閣爛其天光照我海嶽倬哉高皇肆筆成書石經

百卷方國是儲宮堯干雲輦若有造誰其尸之臣曰彥  
操洞庭之山具區五湖龍螭萬數右翼左趨惟爾有神  
實主張是時節來朝敬千萬禩

御書閣淳熙十四年郡守秘閣修撰趙彥操即六經  
閣舊址為之以奉高宗皇帝所賜御書石刻六經先  
是累政欲作弗果彥操始克立遂為郡庠壯觀焉

重修吳學記

吳潛

潛同里汪君泰亨教授吳學學有田為豪右隱占久君

條具始末聞於守相聞於部刺史轉聞於相國迄歸田  
且得所負積賦為錢三百五十萬有奇君曰有田矣不  
患無以養也有養矣不可無以安也顧瞻學宮日頽月  
圯遂捐錢有事改作憲守林公介佐以他錢五十萬後  
來者刑獄使者王公與權常平使者王公弑郡守李公  
壽朋皆相貶繼金粟財益衍用不匱仆興僵立朽革腐  
新悉就修理舊為屋七百五十楹一一皆新美矣若耆  
宿若宗冑若業武游學亦各有次獨童而習者教毓未



脩乃別敞一齋曰小學哉工於紹定戊子冬十一月粵  
己丑秋七月訖功於是吳學益真然東南矣夫物圊於  
數者有成必有毀天地日月宇宙江山不能逃焉而所  
以扶持於不壞不滅者人也彼大者固已如此矣況小  
乎故新而久必敝敝而久必壞壞而久必泯學基堂於  
文正范公父子中更南渡歷紹興閱乾道至淳熙涉賢  
守數人經時數十載始大脩而其積累艱難亦可喟息  
矣能及其敝而未壞壞而未泯疾起而扶持舉斯加彼

察乎天地日月宇宙江山所以不壞不滅者斯豈不足以盡人道而宏教法哉諸生朝游而夕息景行先哲睹文正容貌而企慕其為人其未仕也必如文正刻苦自厲以六經為師文章論說一本仁義而後可其既仕也必如文正有是非無利害與上官往復論辨不以官職輕人性命而後可其仕而通顯也必如文正至誠許國終始不渝天下聞風夷狄委命而後可誠如是矣則不負今相國今部刺史守相今郡文學所以幸惠爾學者

庶幾潛言抑有造焉是歲九月望日宛陵吳潛記

吳學久不修寶慶三年秋七月大風雨殿閣堂館直  
舍門廡齋亭皆摧圯欲歷紹定二年以復田得祖遂  
新之始於憲守林介成於郡侯李壽朋吳潛作學記  
陳耆卿作復田記并附於後

吳學復田記

陳耆卿

按吳郡圖刻建學昉文正范公主學昉安定胡先生學  
法傳天下未墜學宮在一州亦未廢也而田有不守者

蓋公斥勝地為宮又擇沃壤為田更建炎亡其籍而紹  
淳之石與版獨炯如也不幸漁於豪民之手黠吏羽翼  
之株遠穴深漫弗省治故在常熟縣為田千六百九十  
畝而祖之入者僅千畝焉蓋十有九年更幾部使者郡  
守不能直幾校官不得直而得直者汪君泰亨能直之  
者林公介章公良朋司馬公述也方林公之攝守也汪  
君力以告公力主之已而章公為守又力主之既主之  
直矣有憾者司馬公為使繼直其事遇林公再攝守復

深直其事遂得直盡歸其冒沒六百二十畝又歸其開  
羨四百餘畝士類起舞矣廼並祠三公於學而請記於  
予予惟三代盛時無地無學而無家無田故學之官不  
待興田不待給而所謂良民者即其所謂秀士也其後  
士與民二矣給之田以助學蓋將使士之秀者專之而  
乃使民之無良者奪之其於義何居而不知此邦之田  
則文正所給之田也給以助學則安定所主之學也自  
景祐以來言哲輔者孰如文正言明師者孰如安定二

公光氣覆罩八表豈以一州親沐嘉澤親染餘誨而可廢墜之乎以十有九年之湮沒而還之一朝其還者時也所以還者人也此三公之所以有賜於學也人知三公之賜之深由其主之力而不知汪君之請之力其賜蓋不淺也雖併祠可也夫三公治文正之地而汪君司安定之席者也或主養或主教一也凡爾多士因其養而溯其所以養如見文正焉因其教而溯其所以教如見安定焉以是學古窮經砥操厲行未達則治己已

達則治天下國家將使事業顯融名聲輝焯後之人見其盛而推其所自曰吳學之士也不負教與養者也其豈非三公與汪君之意夫其豈非文正安定之意夫紹定三年八月朔日天台陳耆卿記

崑山縣學記

梁 肅

學之制與政損益故學舉則道舉政汙則道汙崑吳東鄙之縣先是縣有文宣王廟廟堂之後有學室中年兵饑薦臻堂宇大壞方郡縣多故未遑繕完其後長民者

或因而葺之以民尚未泰故講習之事設而未脩大厯九年太原王綱以大理司直兼縣令既釋奠於廟退而嘆曰夫化民成俗以學為本是而不宐何政之為乃諭三老主吏整序民飾班事大啟室於廟垣之右聚五經於其間以邑人沈嗣宗躬履經學俾為博士於是遐邇學徒或童或冠不召而至如歸市焉公聽治之暇則徃數大猷以聳之博考明德以翼之優而柔之使自求之揭而厲之使自趨之故民見德而興行始於鄉黨洽於



四境父督其子兄勉其弟有不被儒服而行莫不耻焉  
僉曰公之設教嚮其本不墜其末易其俗不失其宜也  
傳曰本立而道生昔崔瑗有南陽文學志王粲有荊州  
文學志皆表儒訓以著不朽遂繼其流為縣學記俾來  
者知我邑經藝文教之所以興是歲龍集乙卯公為縣  
之明年也大厯九年月日梁肅記

吳郡自古為衣冠之數中興以來應舉之士倍承平  
時後五縣皆興學然其盛衰則繫令之賢否紹興間

程沂為崑山令重修學張九成記或謂九成記此以  
諷遂不入石集中亦不載此訪得之附於後

崑山縣新修文宣王廟記

王禹偁

夫聖人之生必受天命有位者天使之化民為一時也  
三皇五帝之謂乎無位者天使之立教為萬世也先師  
夫子之謂乎是以窮於旅人終於陪臣非不幸也向使  
居帝王之位行堯舜之風則顏閔之科猶元凱之舉也  
兩觀之誅猶四凶之罪也自然道至而我無為化行而

人不知時之歌者必曰何力之有溢之美者必曰無得而稱也雖流為典謨形乎簡冊亦不過濬哲文明溫恭允塞而已豈復有祖述憲章之道流於後代乎故曰生民以來未有如夫子者也秉筆之士安得輕議其德業歟吳之諸郡姑蘇稱其尊郡之屬邑崑山出其右雜以魚鹽之利溉乎朝夕之潮昔在皇唐是為名邑降及錢氏茲惟上腴距海之田民斯阜矣然而庠序或缺儒素弗興實倉廩而禮節未知既富庶而教化不至為邑之

長得无咎乎縣大夫邊公世為儒流時號甲族自起家  
之調歷宰邑之資所在播其能名儕類驚其久次大來  
之望固未易知皇上嗣位之明年淮海王如京師且獻  
圖籍尊王室也主上思泰遠人精擇循吏銅墨之任尤  
難其才始得公以宰吳民受賜降璽書以勞之旌善  
政也秩滿受代將選於天官會茲邑有令尹之乏者二  
千石命公以承乏且叙政績聞諸冕旒未幾有即真之  
命免常調也公因民所利朞月而治以為人者教之本

儒者教之先苟非師嚴而道尊烏可移風而易俗哉先是文宣王廟但有基址盡為榛蕪廢而不修六十年矣公乃出俸金以營之同僚悅從羣吏弗違乃庀工徒乃度材用一畝之宮圖蔓以出之數仞之牆樹土而揭之殿堂既嚴門闕斯脩麗以丹漆飾以圻墁制度合乎禮文力役當乎農隙乃像素王被華袞垂珠旒王者之制彰矣乃狀十哲冠章甫衣縫掖儒者之服脩矣廟之興也既如彼像之設也又如此粵上丁之晨行釋奠之禮

所以列豆籩陳簠簋潔牲牢具罍洗幣幣有數尸祝有辭八音作而人和三獻終而神悅禮無違者道不虛行觀之如堵墻化之猶影響俎豆之事修矣禮樂之道興矣十室之邑期忠信以如丘一變之風闡詩書而及魯議者曰吳地裸國也崑山海隅也舊染汨俗未行儒風非明君以文德敷萬邦非賢宰以儒術化百里又安能遵先王之教移小國之風者哉禹偁幸忝德鄰熟聞異政爰旌茂績俾述斯文難言雖在於聖門不朽願刊於

貞石時大宋雍熙四年三月十九日將仕郎守大理評事知長洲縣事王禹偁撰

崑山縣重修學記

張九成

通直郎知平江府崑山縣事程公沂詠之文簡公之曾孫伊川先生之姪孫也紹興二十八年七月十二日作書抵余曰沂聞為政莫先於教化教化莫先於興學吾邑有學卑陋不治甚不稱朝廷所以尊儒重道之意學門之外有社壇齋廳掩蔽於前氣象不舒沂乃移於社

壇之西闢其門墻廣袤十餘丈又以東隅建學外門周植槐柳增崇殿門營治齋宇氣象宏偉殿堂齋廡鼎鼎一新遇月旦則率縣官詣學請主學者分講六經與諸生環坐堂上以聽焉時知府事待制蔣公名其堂曰致道并書學榜以寵賁之嗚呼可謂盛矣又曰先生昔學於大儒其所見聞非俗儒比願以其所聞者明告於我我將有以志之余曰吾老矣久抱末疾舊學荒落顧何以副子之請雖然不可以虛辱也輒以聞於師者以告



左右左右其擇焉竊嘗以為學者當以孔子為師以孔子為師當學孔子之學孔子之學非為博物洽聞絺章績句高自標置視四海為無人攘臂而言曰吾仕宦當至將相吾富貴當歸故鄉吾當記三篋於渡河賦萬言於倚馬此正俗儒之學孔子之學乃不如是當熟誦孔子若聖與仁則吾豈敢之說子夏掬溜播洒之說孟子徐行後長之說以求孔子之心可也是謂孔子之學若乃學如馬融如陸淳博如許敬宗文如班固如柳子厚

亦可矣而依梁冀而助武氏而事實憲而附王叔文此  
吾儕之所羞道而孔門之罪人也詠之以為如何如其  
不然當明以教我

丹陽公祠堂記

朱熹

平江府常熟縣學丹陽公祠者孔門高第弟子言偃子  
游之祠也按太史公記孔門諸子多東州之士獨公為  
吳人而此縣有巷名子游有橋名文學相傳至今圖經  
又言公之故宅在縣西北而舊井存焉則今雖不復可

見而公為此縣之人益不誣矣然自孔子之沒而至於  
今千有六百餘年郡縣之學通祀先聖公雖以列得從  
綴食而其鄉邑乃未有能表其事而出之者慶元三年  
七月知縣事通直郎會稽孫應時乃始即其學宮講堂  
之東偏作為此堂以奉祠事是歲中冬長日之至躬率  
邑之學士大夫及其子弟奠爵釋菜以妥其靈而以書  
來曰願有記也熹惟三代之前帝王之興率在中土以  
故德行道藝之教其行於近者著而人之觀感服習以

入馬者深若夫勾吳之墟則在虞夏五服是為要荒之外爰自泰伯采藥荆蠻始得其民而端委以臨之然亦僅沒其身而虞仲之後相傳累世乃能有以自通於上國其俗蓋亦樸鄙而不文矣公生其間乃獨能悅周公仲尼之道而北學於中國身通受業遂因文學以得聖人之一體豈不可謂豪傑之士哉今以論語考其語言類皆簡易疎通高暢宏達其曰本之則無者雖若見誣於子夏然要為知有本也則其所謂文學固宜有以異

乎今世之文學矣既又考其行事則武城之政不小其  
邑而必以詩書禮樂為先務其視有勇足民之効盖有  
不足為者至使聖師為之莞爾而笑則其與之之意豈  
淺淺哉及其取人則又以二事之細而得滅明之賢亦  
其意氣之感然有以相契者以故近世論者意其為人  
必當敏於聞道而不滯於形器豈所謂南方之學得其  
精華者乃自古而已然也耶矧今全吳通為畿輔文物  
之盛絕異曩時孫君於此又能舉千載之闕遺稽古崇

德以勵其學者則武城弦歌之意於是乎在故熹喜聞其事而樂為之書至於孔門設科之法與公之言所謂本所謂道及其所以取人者則願諸生相與勉焉以進其實使此邑之人百世之下復有如公者出而又有以一洒夫媮懦憚事無廉耻而嗜飲食之譏焉是則孫君之志而亦熹之願也公之追爵自唐開元始封吳侯我朝政和禮書已號丹陽公而紹興御贊猶有唐封至淳熙間所盼位次又改稱吳公云五年六月甲申具官封

賜朱熹記



吳都文粹卷一